



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-498-3/22**
Datum: **06.12.2022. god**

«Agencija za vodno područje rijeke Save» Sarajevo rješavajući po zahtjevu pravnog lica, JP ŽELJEZNICE FEDERACIJE BOSNE I HERCEGOVINE d.o.o. Sarajevo, za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada i za ispuštanje oborinskih onečišćenih voda u prirodni recipijent sa lokacije objekta radionice za opravak vagona i lokomotiva u naselju Kanal, grad Zenica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, JP ŽELJEZNICE FEDERACIJE BOSNE I HERCEGOVINE d.o.o. Sarajevo, daje se vodna dozvola za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada i za ispuštanje oborinskih onečišćenih voda u prirodni recipijent sa lokacije objekta radionice za opravak vagona i lokomotiva u naselju Kanal, na zemljištu označenom kao k.č. broj: 1922, 1945, 1947, 1948, 1949, 1950, 1951, 1952, 1954, 1955 i 1956 K.O. Ričice, grad Zenica.
2. Ova vodna dozvola se odnosi isključivo za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada i za ispuštanje tehnoloških otpadnih voda u prirodni recipijent sa lokacije objekta definisanog tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona ili općina, ukoliko je kantonalnim propisom prenesena nadležnost na općinu, shodno stavu (3) istog člana zakona.
3. Vodna dozvola se daje uz slijedeće uslove koje je vlasnik odnosno korisnik objekta dužan provoditi u roku važenja ove dozvole i to:
 - 3.1. Da se opravka vagona i lokomotiva i servisiranje istih vrši isključivo u radionici namjenjenoj za tu vrstu aktivnosti.
 - 3.2. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i manipulativnih površina nesmetano sakupljaju i odvede do objekta predviđenog za tretman onečišćenih voda (separator ulja i masti), a zatim ovako tretirane vode ispuštaju u mjesnu kanalizacionu mrežu sa krajnjim ispustom u Gračaničku rijeku, a potom u rijeku Bosnu.
 - 3.3. Da se odgovorno vodi proces rada kako bi se smanjila količina ispuštenih ulja, maziva i sl. u toku opravke i remonta vučnih i vučenih vozila.
 - 3.4. Da se osiguraju priručna sredstva za brzu intervenciju u slučaju nekontrolisanog istjecanja ulja, maziva i sl. kako bi se spriječilo moguće zagađenje voda i tla (materijal za upijanje: piljevina, prikladni adsorbensi, odgovarajuće posude, uređaj za pretakanje i sl.).
 - 3.5. Da se posude za prihvatanje opasnog otpada (hidraulička ulja, masti za podmazivanje, sredstva za čišćenje i sl.) ne smiju se ni privremeno odlagati na česticu „vodno dobro“, odnosno u vodotoke i na njegove obale.
 - 3.6. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim u toku procesa rada na predmetnom lokalitetu (adekvatnim mjerama onemogućiti bilo kakvo isjecanje i rasipanje opasnih i štetnih materija na tlo i u vode).

- 3.7. Da pražnjenje i konačno zbrinjavanje sadržaja iz posuda sa opasnim otpadom može vršiti isključivo pravno lice ovlašteno za tu vrstu djelatnosti, prema posebno sklopljenom ugovoru, te redovno voditi dnevnik o pražnjenju i odvozu sadržaja iz posuda sa opasnim otpadom.
- 3.8. Da korisnik poduzme sve potrebne mjere da obavljanjem aktivnosti na predmetnom lokalitetu ne dođe do šteta ili nepovoljnih uticaja na vode i vodni režim.
- 3.9. Da korisnik objekta izgrađene objekte, a čija svrha je prikupljanje, odvođenje i prečišćavanje onečišćenih voda, redovno održava i koristiti na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
- 3.10. Prečišćena otpadna voda mora ostati u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 26/20 i 96/20).
- 3.11. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
- 3.12. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
- 3.13. Skladištenje nafte i naftnih derivata vršiti u podzemnim čeličnim rezervoarima zapremine 60 m³ (2x30 m³). U upotrebi je 1 rezervoar zapremine 30 m³.
- 3.14. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine («Službene novine Federacije BiH» br. 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
- 3.15. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 3.16. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.17. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.18. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijentata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.

7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu za koji se izdaje vodna dozvola, korisnik zaštitnih vodnih objekata nije odgovoran za nastale štete.
8. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne pristojbe.
11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, JP ŽELJEZNICE FEDERACIJE BOSNE I HERCEGOVINE d.o.o. Sarajevo, obratilo se ovoj Agenciji dana 21.09.2022. godine sa zahtjevom za izdavanje vodne dozvole za objekat radionice za opravak vagona i lokomotiva u naselju Kanal, izgrađen na zemljištu označenom kao k.č. broj: 1922, 1945, 1947, 1948, 1949, 1950, 1951, 1952, 1954, 1955 i 1956 K.O. Ričice, grad Zenica.

U provedenom postupku dostavljena je i pregledana sljedeća dokumentacija:

- Punomoć zastupnika podnosioca zahtjeva, broj: 3814/22 od 07.09.2022. godine;
- Kopija Aktuelnog izvoda iz sudskog registra broj: 065-0-RegZ-19-004468 od 27.05.2019. godine, izdatog od Općinskog suda u Sarajevu,
- Kopija Uvjerenja o poreznoj registraciji od 23.12.2002. godine, izdatog od Porezne uprave Federacije BiH- Kantonalni ured Sarajevo,
- Kopija uvjerenja o registraciji obveznika poreza na dodanu vrijednost broj: 04/5-1/IV-17-1-5684-1035/05 od 12.11.2005. godine, izdatog od Uprave za indirektno-neizravno oporezivanje Banja Luka,
- Dokaz o uplaćenju upravnoj taksi,
- Kopija Rješenja o upotrebi građevine broj: 12-23-09678/16 od 13.03.2017. izdatog od Ministarstva za prostorno uređenje promet i komunikacije i zaštitu okoline Zeničko-dobojskog kantona,
- Kopija Izvještaja Komisije za tehnički pregled izvedenih radova na objektu Totalna rekonstrukcija postojećeg kompleksa radionice za opravku vagona i lokomotiva od 08.03.2017. godine,
- Kopija Rješenja o odobrenju za građenje broj: 12-23-8114/12 od 23.05.2013. izdatog od Ministarstva za prostorno uređenje promet i komunikacije i zaštitu okoline Zeničko-dobojskog kantona,
- Kopija Rješenja o okolinskoj dozvoli, broj: UPI 05/2-02-19-5-39/20 od 09.10.2020. godine izdatog od Federalnog ministarstva okoliša i turizma,
- Kopija Integralnog plana upravljanja otpadom JP ŽFBiH d.o.o. Sarajevo broj: 1-514-1/21 od 11.01.2021. izdatog od JP ŽFBiH d.o.o. Sarajevo,
- Kopija Rješenja o vodnoj dozvoli, broj: UP-I/25-3-40-379-3/17 od 26.09.2017. godine izdatog od «Agencije za vodno područje rijeke Save» Sarajevo,
- Kopija Saglasnosti-ponude za izradu novog vodovodnog priključka za sanitarnu i hidrantsku mrežu i fekalnog i kišnog kanalizacionog priključka za objekat radionice za VV i OŠV Zenica u Ulici Kanal br. 22 vl. JP ŽELJEZNICE FEDERACIJE BiH d.o.o. Sarajevo broj: 712-2072/15 St.M. od 02.04.2015. izdate od JP «VODOVOD I KANALIZACIJA» d.o.o. Zenica,
- Kopija Radnog zapisnika o radovima na pranju i čišćenju separatora broj: 19/08/2021 od 23.09.2021. izdatog od «DELTA PETROL» d.o.o. Kakanj,

- Kopija Radnog zapisnika o radovima na pranju i čišćenju separatora broj: 06/09/2020 od 18.09.2021. izdatog od «DELTA PETROL» d.o.o. Kakanj,
- Kopija Izvještaja o monitoringu kvaliteta i kvantiteta otpadnih voda-Željeznice Federacije Bosne i Hercegovine d.o.o. Sarajevo – PI i PPP Zenica, avgust 2022. urađenog od strane „TQM“ d.o.o. Lukavac,
- Kopije Izvještaja o obračunu broja ekvivalentnih stanovnika za 2022. godinu,
- Glavni projekat–radionički kompleks Zenica – Radionice za opravku vagona i lokomotiva-Zenica sa pratećim sadržajima i vanjskim uređenjem, šifra: 01-12/11, decembar 2011., urađen od «CALIPSO PROMET» d.o.o. Bosanska Krupa (na uvid),
- Projekat izvedenog stanja-Radionica za opravku vagona i lokomotiva broj: 316/16, novembar 2016., urađen od «PRONASA» d.o.o. Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli broj: UP-I/25-3-40-379-3/17 od 26.09.2017., zatraženo je očitovanje Službe za naplatu prihoda (vodnih naknada) ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za naplatu prihoda (vodnih naknada) od 28.09.2022. konstatovano je da je podnosilac zahtjeva JP ŽELJEZNICE FEDERACIJE BOSNE I HERCEGOVINE d.o.o. Sarajevo uredan obveznik plaćanja posebnih vodnih naknada.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-504-2/22 od 17.11.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Radionica za opravku vagona i lokomotiva je izgrađena u naselju Kanal, grad Zenica. Na lokalitetu se nalaze: Objekat radionice sa uredskim prostorijama, pomoćni objekat, otvorene radne i skladišne površine, interna benzinska pumpa za potrebe manevarskih lokomotiva.
- Za predmetni objekat ranije je od strane ove Agencije doneseno Rješenje o vodnoj dozvoli broj: UP-I/25-3-40-379-3/17 od 26.09.2017. U toku uviđaja utvrđeno je da nije bilo izmjena u odnosu na naprijed navedenu dozvolu.
- Remont šinskih vozila (vagona i lokomotiva) obavlja se u zatvorenom prostoru. U procesu opravke i remonta vozila ne koristi se voda. Svo ulje i mazivo koje se ispušta u toku remonta, prikuplja se u burad, a eventualno rasuto ulje se čisti piljevinom i krpama. Krpe i priručna sredstva koja se koriste za čišćenje zbrinjavaju se u namjenske posude ili burad.
- Oborinske vode sa uređenog platoa ispred objekata i interne benzinske pumpe, a koje mogu biti onečišćene naftom i naftnim derivatima, prikupljaju se zasebnim sistemom kanalizacije, te odvođe na tretman u tipski separator masti i ulja. Preliv iz separatora je u mjesnu kanalizacionu mrežu sa krajnjim ispustom u Gračaničku rijeku, a potom u rijeku Bosnu.
- Monitoring prečišćenih otpadnih voda se vrši redovno od strane «TQM» d.o.o. Lukavac. Na uvid je dostavljen Izvještaj o monitoringu kvaliteta i kvantiteta otpadnih voda, avgust 2022. godine. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.
- Čišćenje separatora se radi redovno od strane ovlaštenog pravnog lica «DELTA PETROL» d.o.o. Kakanj.
- Smještaj goriva za potrebe interne benzinske pumpe se vrši u ukopanim čeličnim rezervoarima zapremine 60 m³ (2x30 m³). U upotrebi je jedan rezervoar zapremine 30 m³.
- Snabdjevanje vodom je riješeno putem priključka na gradsku vodovodnu mrežu.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i tačka cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva JP ŽELJEZNICE FEDERACIJE BOSNE I HERCEGOVINE d.o.o. Sarajevo, ispunio minimum uslova za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada i za ispuštanje oborinskih onečišćenih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju:
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- JP ŽELJEZNICE FEDERACIJE BOSNE I HERCEGOVINE d.o.o.
Kanal 22, 72000 Zenica
- AVP Sava, ISV-vodna knjiga
- sektor 50
- ☉sektor 40 – arhiva
- oglasna ploča – AVP Sava